

# Hernaniko Kronika

10 urtez egunik huts egin gabe

**Malores Etxeberria Arrese**

2000ko maiatzaren 26an argitaratu zuen Dobera euskara elkarteak Hernaniko Kronikaren 0 alea. Eta 2010ean hainbat ospakizun antolatu ditu herriko egunkariaren 10. urteurrena ospatzeko.

## HERNANIKO Kronika

2000. urteko  
maiatzak 28, igandea.

0 alea.

### Ongi etorri eta urte askoan

Hernaniko Kronika San Juan bezperan hasi eta egunero aterako da, ostegunetik astelehenera. Hernaniko berri eman-godu eta denentzat zabalik egongo da euskarazko egunkari hau.

**D**oberak bultzata, egunkari berri bat sortu da Hernanin, herriko berri emateko asmoz. Begi bistakoa da, geurca mugimendu handia duen

herria dela. Guztiak txukun biltzen asmatuz gero, izango du Kronikak etorkizunik.

**ASTEAN 5 EGUNETAN**  
San Juan bezperan hasi, eta kalean izango da asteen 5

egunetan. Ostegunetik astelehenera aterako da (asteburuko giroa aprobetxatuz) eta hernaniar guztiek izango dute hemen tartea, Kronikaren helburua, herritar guztiek irakurtzea baita.

**EUSKARAZKO LEHENA**  
Herri mailako prentsan euskarazko egunkari bat ateratzea sasakera berrna da, baina egunerokotasunaren xarma du kronika honek. Honetarako ordea, guztion lagun-

tza beharko du, albiste iturriek erantzuten duten neurrian egingo baitu aurrera Hernaniko egunkari berri honek □



ELIAS MINER

"Herriko informazioa atera dadila"



MAIALEN LUJANBIO

"Instituzionkeriak utziz kaleko berri eman dezala"



JESUS ELOSEGI

"Hernaniarren kezak azaldu ditzala"



JOSE PEREZ

"Elkarrizketa eta parte hartze bide bat zabaldu da"



ELI ANSA

"Hernaniarrentzat izan eta hernaniarrek egitea nahiko nuke"



PATXI URRESTARAZU

"Lorearen hitza landatuz, ameslari planeta bateko ahotsa izan"



IÑATX SANTA KRUZ

"Herriaren eta herritarren gora beharak kontatzea, euskara erabiliz"



JOXAN RUIZ

"Talde guztien laguntzarekin aurrera atera dadila Hernaniko Kronika, herrian horrelako ekintzak behar dira eta"



EULALI ARANBURU

"Sendo, zuzen, egiz edo egiaz, jator eta zorrotz lan eginez, urte asko opa dizkio. Zeinek eskertuko du dana? Euskarak, berak egiten baikaitu euskaldun. Hernaniar guztien laguntza, eutsi eta bultzata diezaiozun"



XABIER BALARDI

"Kronika, gure herrian euskararen txingarra sugartuko duen hauspoa izango zarela, ONGI ETORRI"



MARIÑOL AGUIRRE

"Era guztietako iritziak jaso ditzala alderdikoa izan gabe. Asko direnez, herriko gauza onak atera daitezela, txarrekin nekaturta gaude eta."



MIKEL TOLOSA

"Herriko arazoak azalduko diren komunikabide bat falta da"



RICARDO RAMOS

"Herritarrek herriko gauzak jakin nahi dituzte. Kronikak izan dezala talde guztien laguntza. Gurea izango du"

**Zure publizitatea  
hemen**

HERNANIKO  
**kronika**

Deitu

943 33 08 99 ra

Kronika sortu eta urtebetera, urtekari honetan bertan, proiektuaren sortzailerik izan ziren hiru kazetarik adierazten zuten berehala herritar askorengana iristea lortu zutela eta hernaniarrei gero eta ezagunagoa egiten ari zitzaiela Hernaniko Kronika. 2001ean ginen eta Hernaniko Kronika asteen 5 egunetan argitaratzen zen; 1.800 ale banatzen ziren egun bakoitzean. Kazetari haiek idatzi zuten etorkizun handiko proiektua zela Kronikarena.

10. urteurrenetik begiratuta, kazetari gazte haiek bete-betean asmatu zutela esan dezakegu. Gaur egun, asteko 7 egunetan argitaratzen da Kronika, bi orrialdekoa astebarrutan eta 8 orrialdekoa asteburuetan eta gehigarri bereziak diren asteburuko beste egun batzuetan, jaietan, eta abar 4.600 ale banatzen ditu Hernaniko Kronikak egunero, batez ere kiosko eta okindegietan, eta Kronika ezagutzen ez duen hernaniarrik ez dagoela esan dezakegu, hanka sartzeko beldurrik gabe.

Aldaketa handiak egin ditu hamar urteotan Hernaniko Kronikak eta, era berean, proiektuaren hasierako filosofiarik tinko eutsi diola esan dezakegu. Herriko informazioa, informazio lokala, euskaraz eskaintzea eta herrian ahalik eta herritar gehienengana iristea zuen helburu. Egunkaria izan nahi zuen, egunerokoa, asteen 7 egunez argitaratuko zena. Banaketa estandarra egin nahi zuen, ez etxez etxekoa. Gainerako egunkari eta aldizkariak saltzen ziren salmenta puntuetan egon nahi zuen, kioskoetan eta okindegietan, salgai ze-





goen beste edozein egunkari erosten zuenari emateko. Doakoa izatea zuen helburu, ahalik eta etxe gehienetara iritsi ahal izateko. Autofinantzaketa ahalik eta handiena lortu nahi zuen, herritarren partehartzea bultzatzeko, dirulaguntzen menpekotasunak ez itozteko, eta ahalik eta autonomoena izateko. Euskara ere edozein hernaniarrek gutxiago edo gehiago ulertzeko moduan egokitu nahi zuen.

10. urteurrenera iritsita, Hernaniko Kronikak 550 laguneko laguntzaile sarea du, urteko diru bat jartzen duena; eta, herriko denda eta establezimenduek, enpresek, Udalak, elkarteek... beren publizitatea egiteko lehenesten duten komunikabidea da. Hernaniko Kronikak urteko gastuaren %50 autofinantzatzea lortu du. Inguruko beste komunikabideekin alderatuz gero, herri-prentsan oso kopuru altua da Kronikak publizitatetik lortzen duen diru sarrera. Dendari berri bati baino gehiagori entzun diot esaten estable-

zimendu berriaren propaganda egiteko lekurik aproposena Hernaniko Kronika dela. Kronikan publizitatea eginez gero, herritar askorengana iristen dela oihartzuna.

Ez dira garairik onenak paperezko prentsarentzat, oro har, eta euskarazko herri-prentsarentzat bereziki. Askok dira itxi direnak edota errekonbertsio edo birmoldaketak egin behar izan dituztenak, bizirik iraungo badute. Ez dira, ezta ere, garairik onenak dirulaguntza publikoei dagokienean. Eta azken honen ostikada batzuk jaso berri ditu Hernaniko kronikak ere Gipuzkoako Foru Aldunditik.

Hernaniko Kronikak erronka du krisi egoera honetan duintasunez jardutea eta herritarroki eguneroko informazioa zorrotzasunez eta zabalatasunez ematea, eta doan, orain arte bezala. Eta horretarako, 10. urteurren honen muina izan den leloa ondo zabaltea garrantzizkoa da: laguntzaile sarea zabaldu

beharra dago. Laguntza emateko aukera dugun herritarrok laguntza emanda lortu dezakegu Hernaniko 20.000 biztanleengana iristen segitzea, euskara ondo dakitenengana baina baita ere nekezago ulertzen dutenengana.

10 urteotan guztiz aldatu da hernaniarron eta euskara idatziaren arteko harremana, ezin da aipatu gabe utzi ebidentzia hau. Zenbat euskaldun izango ote ziren 2000. urtean euskaraz ezer irakurtzen ez zutenak eta zenbat dira orain. Zenbat ote ziren euskaraz idatzita normaltasunez ezer ikusten ez zuten erdaldunak eta zenbat dira orain egunero euskaraz idatzitako orri hori kioskotik hartu eta begiratu bat ematen diotenak.

Lan ederra ari da egiten Hernaniko Kronika, bai hernaniarron informazio gosea asetzeko eta bai euskararen normalizazioan aurrera egiteko. Hamar urte gehiago opa dizkiogu Hernaniko Kronikari. ■